


# Udruženje Tranzicijska pravda, odgovornost i sjećanje u Bosni i Hercegovini

Godišnji izvještaj 2017.





**Pripremile:** Lejla Arnaut i Ada Hasanagić

**Uredila:** Dženana Karup Druško

**Dizajn:** Sanin Pejdaović

**Prevod:** Ada Hasanagić



## Sadržaj

Identitet organizacije.....	5
Članstvo u mrežama, inicijativama i koalicijama.....	5
Aktivnosti u 2017. godini.....	6
Posjete i učešća u 2017. godini.....	7
TPOS u medijima .....	8



## Identitet organizacije

Udruženje Tranzicijska pravda, odgovornost i sjećanje u BiH (TPOS) je neprofitabilna, nevladina i nestranačka organizacija, osnovana 2. februara 2012. godine s ciljem provođenja mehanizama tranzicijske pravde kao jednim od preduvjeta zaštite ljudskih prava i formiranja demokratskog društva, te procesa suočavanja s prošlošću, odnosno njegovanja kulture sjećanja i izgradnje budućnosti.

Ciljevi TPOS-a su:

- pružanje podrške sudskim i svim drugim, zainteresiranim institucijama i pojedincima radi utvrđivanja činjenica o ratnim zločinima i drugim teškim kršenjima ljudskih prava;
- podrška Inicijativi REKOM za osnivanje regionalne (međudržavne) nezavisne komisije za utvrđivanje i javno iznošenje činjenica o ratnim zločinima;
- istraživanje i izvještavanje o progresu tranzicijske pravde;
- sistematsko i transparentno praćenje razvoja i djelovanja zvaničnih i nezvaničnih inicijativa u oblasti tranzicijske pravde;
- informiranje javnosti i političara o procesu tranzicijske pravde i o njenom značaju za ostvarenje prava žrtava, za izgradnju demokratskog društva, kulture mira i sjećanja;
- organiziranje debata o progresu tranzicijske pravde;
- učešće u projektima, istraživanjima i aktivnostima koje imaju za cilj zaštitu ljudskih prava, a naročito prava žrtava, promoviranje tranzicijske pravde, vladavine prava, razvijanje građanske svijesti i promicanje demokratskih vrijednosti;

## Članstvo u mrežama, inicijativama i koalicijama

### Koalicija za REKOM

TPOS je partnerska organizacija Koalicije za REKOM u BiH. Koalicija se zalaže da šefovi država, nasljednica nekadašnje Jugoslavije, osnuju Regionalnu komisiju za utvrđivanje činjenica o ratnim zločinima i drugim teškim kršenjima ljudskih prava počinjenim na teritoriji bivše SFRJ od 1. januara 1991. do 31. decembra. 2001. godine koja bi poimenično popisala sve civilne i vojne žrtve i utvrdila okolnosti pod kojima su izgubile život ili nestale, i da sačini registar logora i drugih mjesta zatočenja.

Do marta 2017. godine, peticiju za osnivanje REKOM-a potpisalo je 580.000 građana iz post-jugoslovenskih zemalja.





## Inicijativa za monitoring evropskih integracija BiH

Inicijativa za monitoring evropskih integracija BiH neformalna je koalicija 30 organizacija civilnog društva koja doprinosi praćenju reformi i nadgleda primjenu politika, prava i standarda Evropske unije, fokusirajući se na pitanja demokratizacije, vladavine prava, te ljudskih i manjinskih prava.



## Aktivnosti u 2017. godini



TPOS je u suradnji sa partnerskom organizacijom Centar za demokratiju i tranzicionu pravdu (CDTP) u 2017. godini nastavio realizaciju projekta Mapiranje logora i mjesta zatočenja u BiH 1992-1995. godine. Istraživanje i dokumentiranje zatočeničkih objekata, započeto krajem 2013. godine, provodi se uz podršku Civil Rights Defenders i

National Endowment for Democracy, a od 2015. Mapiranje logora bilo je podprojekat u okviru regionalnog projekta Evropske komisije pod nazivom, Jačanje procesa REKOM, Faza II, u kome se istražuju ljudski gubici u sukobima na prostoru nekadašnje Jugoslavije i mapiraju mjesta zatočenja.

U toku 2017. godine TPOS i CDTP su istražili i dokumentirali 284 zatočenička objekta u koja su tokom rata zatvarani građani BiH. Istraživači TPOS-a su u toku 2017. godine posjetili i intervjuirali bivše zatočenike u općinama Cazin, Velika Kladuša, Bihać, Bosanski Petrovac, Ključ, Sanski Most, Donji Vakuf, Jajce, Bosanska Gradiška, Prijedor, Konjic, Banja Luka, Istočno Sarajevo, Pale, Vlasenica, Foča, Modriča, Doboje, Derventa, Brčko, Vitez, Kupres, Kiseljak, Fojnica, Stolac, Mostac, Čapljina, Zvornika, Kalesija, Tuzla, Bosanski Novi, Kostajnica, Bosanska Krupa, Bosanska Dubica, Glamoč i Livno.



Tokom 2017. godine, TPOS je nastavio objavljivati tekstove na neprofitnom mediju Avangarda.ba. Cilj neprofitnog medija je jačanje slobode javne riječi kroz objavljivanje tekstova relevantnih autora iz oblasti tranzicijske pravde, kršenja ljudskih prava, političkog života u BiH i regionu, društva i feminizma. U toku 2017. godine, TPOS je saradivao sa 34 autora iz BiH i regiona, čiji su tekstovi objavljeni na portalu Avangarda.ba. Ukupno je objavljeno 313 tekstova, a 30 domaćih i regionalnih medija je preuzelo 69 tekstova sa portala. Avangardu.ba je tokom 2017. godine posjetilo je 148.244 korisnika iz cijele regije, a zabilježeno je 358.266 čitanja tekstova.




## Posjete i učešća u 2017. godini



U martu 2017. godine TPOS je, u saradnji sa Koalicijom za REKOM, u sali Kuće Ljudskih prava u Sarajevu organizovao press konferenciju na temu blokade procesa tranzicijske pravde u post-jugoslovenskim zemljama. Na konferenciji su govorili dr. Dinko Gruhonjić, novinar iz Srbije, Dino Mustafić, reditelj iz BiH, i Dženana Karup Druško, direktorica TPOS-a.

U maju 2017. godine TPOS je organizirao kampanju prikupljanja potpisa, kao dio regionalne kampanje koju je organizirala Koalicija za REKOM s ciljem da se pošalje jasna poruka premijerima zapadnog Balkana i predstavnicima Evropske unije da se od njih očekuje da prihvate odgovornost i u okviru Berlinskog procesa potpišu sporazum kojim se obavezuju da će osovati REKOM. Kampanja se istovremeno provodila u Sarajevu, Banja Luci, Beogradu, Zagrebu i Prištini. Na prikupljanju potpisa TPOS je angažirao 42 volontera iz Sarajeva. U toku kampanje prikupljeno je






12.400 potpisa u Sarajevu, 9.361 u Banja Luci, 13.827 u Srbiji, 3.889 u Hrvatskoj, dok je u Prištini bilo prikupljeno 11.208 potpisa.



U novembru 2017. godine u Sali za sjednice Pravnog fakulteta u Sarajevu TPOS je organizirao debatu pod nazivom *Sačinjavanje preporuka za Strategiju podrške EU tranzicijskoj pravdi u post-jugoslavenskim zemljama* koju je uz uvodno izlaganje moderirala Dženana Karup Druško, direktorica TPOS-a, a na kojoj su učestvovali dr. Midhat Izmirlija, Sven Milekić iz Hrvatske i Ana Marjanović

Rudan iz Srbije, koji su govorili o Berlinskom procesu u kontekstu regionalne suradnje. Debatu su prisustvovali intelektualci, članovi akademske zajednice, analitičari think tank organizacija, novinari koji pišu o tranzicijskoj pravdi, te predstavnici institucija koji prate Berlinski proces.

## TPOS u medijima





Ako vam je dobro  
**PESCANIK** onda ništa

HOME | TEKSTOVI | EMISIJE | PREVODI | TEME | KNJIGE | ENGLISH

Emisija / 07/12/2017

Kraj Haškog suda



Tekstovi

- Unaka i motika 08/04/2018
- Beg u prošlost 08/04/2018
- Kude je taj NIS 08/04/2018
- Ludom podsećanje 08/04/2018
- Fiesta iz pakla 07/04/2018
- Saplićanje u srpsko-kosovskom glibu 07/04/2018



Dženana Karup-Druško: Da nema presuda međunarodnih sudova, bili bismo u situaciji da nam govore da su svi bili isti, da je bio građanski rat



Udruženje Tranzicijska pravda, odgovornost i sjećanje u BiH  
Dolina 1, Kuća ljudskih prava, Sarajevo  
Tel: 0038733-232-345  
E-mail: [tjarbh@gmail.com](mailto:tjarbh@gmail.com)